



Chistiona su Sardu!

Letzione N.15

Pedire iscusu

Maistra: Pedire perdonu pro una cosa fata e bogare iscusas pro su chi est sutzèdidu est su tema de custa chistionada.

Micheli: Ti pedo perdonu mama. As a bidere chi no lu fatzo prus!

Lughia: Amus a bìdere. Nara-mi in ue est capitadu su dannu.

Micheli: In su gabinete pìticu, ma est totu a postu.

Lughia: L'apo a crèere oe. Ando a l'abbaidare.

Micheli: Ehm, ma non podes intrare...

Lughia: E pro ite?

Micheli: Ca apo afriscadu sa ghenna.

Lughia: Duncas m'as naradu una fàula, no est totu a postu, beru?

Micheli: Beh, in pràtica emmo ma fia unu pagu impressidu e apo lassadu unu pagu in disòrdine, ma già l'assento deo... como non isto bene...

Lughia: Agabba-la de fàghere sos giros tuos e dae-mi sa crae!

Micheli: Mi depes iscusare, ma apo bortuladu sa broca cun sos frores sicos in s'intrada... e non tenia su coràgiu de ti lu nàrrere...

Lio: Sa broca de gaja! Tzessu! Como sunt guai.